

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

INGURUMEN ETA HIRIGINTZA SAILA

Foru Gobernu Kontseiluaren otsailaren 14ko 63/2023 Erabakia. Onestea energia jasangarritasunerako ekintzak bultzatzeko laguntza lerroaren 2023rako deialdia

Arabako Lurralde Historikoko klima ekintzarako estrategiak (KLIMA ARABA 2050), Arabako Batzar Nagusietako ingurumen batzordeak 2022ko uztailean onartutakoak, gure lurraldean klima aldaketa arintzeko eta horretara egokitzeko neurriak eta ekintzak abian jartzea bultzatu nahi du, eta karbono gutxiko energia eredu baterantz aurrera egiten lagundu.

Estrategiak, 1. helburuan (Arabako eredu ekonomiko eta energetikoa deskarbonizatzea), "energia berriztagarriak eta erregai berriak sortzeko eta kontsumitzeko trantsiziorako" lan lerro estrategikoaren barruan, lurraldeko toki erakundeei zuzendutako jasangarritasun energetikoko ekintzak bultzatzea aurreikusten du.

Lan esparru horretan, ebazpen honen xedea da 2023ko deialdia onestea, energia jasangarritasuneko ekintzak bultzatzeko udalerrri eta kontzejuentzako laguntzen lerroari dagokiona.

Foru Gobernu Kontseiluaren irailaren 27ko 40/2022 Foru Dekretuaren bidez onetsi ziren deialdiaren oinarri arautzaileak.

Laguntza lerroak honako ekintza mota hauek diruz laguntzen ditu:

Eraikin eta ekipamendu publikoen, ibilgailuen eta argiteria publikoko instalazioen inbentarioak egitea, kontsumoen kontrola, energia auditoetzak, energia eraginkortasunaren ziurtagiriak, energia jarduketan planak, hiri mugikortasuneko planak edo klima aldaketara egokitzeko eta arintzeko beste plan batzuk egitea.

Monitorizazio ekipoak, ordu programazioa, urruneko kontrola eta antzeko baliabideak ezartzea, erakunde publikoek kontsumitutako energia benetako eskaerara egokitzeko.

Eguzki argiteria publikoko ekipamendua.

Argiztapen publikoan eta toki erakundeetako eraikinetan energia eraginkortasuna handitzeko lanparak ordeztzea.

Baliabide berriztagarriak aprobetxatzeko instalazioak eta ekipamendua (termikoa, fotovoltaikoa, minieolikoa, biomasa, geotermia, minihidraulikoa, aerotermia edo etorkizunean gara daitezkeen beste batzuk), bai sortze instalazioak, bai horiekin lotutako biltegitratze instalazioak, guztiak energia eskaera publikoari erantzuteko.

Eguzki energia termikoa, eguzki energia fotovoltaikoa, minieolikoa, biomasa, geotermia, minihidraulikoa, aerotermia edo etorkizunean gara daitezkeen beste batzuk aprobetxatzeko instalazioen bideragarritasun azterlanak egitea eta proiektu teknikoak idaztea, bai eta elektrizitatea kargatzeko azpiegitura ere, hori guztia erabilera publikorako.

Ibilgailu elektrikoetarako karga puntuak instalatzea, bizikletak barne. Kargatzeko puntuak erabilera publikora edo erakunde onuradunaren ibilgailuetan erabiltzera bideratuko dira.

Ibilgailu elektrikoak eskuratzea, bizikleta elektrikoak barne, erakunde publikoen titulartasun eta erabilerarako.

Arabako Foru Aldundiaren 2023ko ekitaldirako aurrekontuan jasotako dirulaguntzen lerro-rako zuzkidura orokorra 250.000,00 euro da, 60205-G-456600-76290604 aurrekontu partidaren kargura (Efizientzia energetikorako dirulaguntzak).

Ondorioz, Ingurumen eta Hirigintza Saileko foru diputatuak proposatuta eta Foru Gobernu Kontseiluak gaurko egunean egindako bilkuran aztertu ondoren, hauxe

ERABAKITZEN DUT

Lehenengoa. Onestea jasangarritasun energetikoko ekintzak sustatzeko laguntza lerroaren 2023rako deialdia. Deialdi horren zuzkidura orokorra 250.000,00 euro izango da 2023rako, Arabako Foru Aldundiaren 2023ko ekitaldirako aurrekontuko 60205. G/456600/76290604 "efizientzia energetikorako dirulaguntzak" aurrekontu partidaren kontura.

Bigarrena. Zenbateko osagarriak ezarri ahalko dira kasu hauetan 250.000,00 euroko mugaraino, horretarako beste deialdi bat egin behar izan gabe:

Energia jasangarritasuneko ekintzak sustatzera bideratuta dagoen laguntza lerroko 2022ko deialdia likidatuzetik geratzen diren soberakinak aplikatzea.

Aurrekontu aldatzeen ondorioz lortutako beste soberakin batzuk aplikatzea.

Deialdia argitaratzen den bezala argitaratu beharko da gehieneko zenbatekoak baino gehiago ematea xedatzen duen ebazpena, baina argitalpen horrek ez du esan nahi epea luzatzen denik eskaera berriak aurkezteko edo berriz ere hasten denik zenbatzen ebazteko epea.

Hirugarrena. Laguntza lerroen bidez ekintza mota hauek diruz lagunduko dira, diruz lagun daitekeen gehieneko ehuneko eta dirulaguntzaren gehieneko zenbateko hauen arabera:

JARDUKETA MOTA	AURREKONTU OSOAREN BANAKETA, JARDUKETA MOTAREN ARABERA	DIRULAGUNTZAREN GEHIENKO ZENBATEKOA	DIRUZ LAGUNDU DAITEKEEN GEHIENKO EHUNEKOA
1. mota. Eraikin eta ekipamendu publikoen inbentario energetikoak egitea, ibilgailuak eta argiteria publikoko instalazioak, kontsumoak kontrolatzea, ikuskaritza energetikoa, energia eraginkortasuneko ziurtagiriak, energia ekintzen planak, hiri mugikortasuneko planak edo klima aldaketa arintzeko eta hartara egokitzeko beste plan batzuk.	50.000,00 euro	6.000 euro	ehuneko 85
2. mota. Monitorizazio ekipoak, ordu programazioa, urruneko kontrola eta antzeko baliabideak ezartzea, erakunde publikoek kontsumitzen duten energia benetako eskarira egokitzeko.	5.000 euro	3.000 euro	ehuneko 85
3. mota. Eguzki bidezko argi sistema publikoko ekipamendua.	20.000 euro	20.000 euro	ehuneko 60
4. mota. Lanparak ordeztzea, argi sistema publikoan eta toki erakundeen eraikinetan energia eraginkortasuna areagotzeko.	15.000 euro	5.000 euro	ehuneko 60
5. mota. Baliabide berriztagarrien aprobetxamendurako instalazioak eta ekipamendua (termikoa, fotovoltaikoa, minieolikoa, biomasa, geotermia, minihidraulikoa, aerotermia edo etorkizunean gara daitezkeen beste batzuk), bai sorkuntza instalazioak bai haiekin lotutako biltegitratze instalazioak, haiek guztiak energia eskari publikoari erantzuteko.	110.000 euro	40.000 euro	ehuneko 60
6. mota. Bideragarritasun azterlanak eta instalazioen proiektu teknikoak idaztea, eguzki energia termikoa, eguzki energia fotovoltaikoa, minieolikoa, biomasa, geotermia, minihidraulikoa, aerotermia eta etorkizunean gara daitezkeen beste batzuk aprobetxatzeko, baita karga elektrikoak azpiegiturak ere, erabilera publikorako.	20.000 euro	6.000 euro	ehuneko 60
7. mota. Ibilgailu elektrikoetarako karga puntuak instalatzea, bai eta bizikletentzakoak ere. Kargatzeko puntuak erabilera publikora edo erakunde onuradunaren ibilgailuetan erabiltzera bideratuko dira.	20.000 euro	5.000 euro	ehuneko 60
8. mota. Ibilgailu elektrikoak eskuratzea, bai eta bizikleta elektrikoak ere, erakunde publikoen titulartasun eta erabilerrarako.	10.000 euro	9.000 euro (1.500 euro bizikleta elektrikoetarako)	ehuneko 30

Laugarrena. Diruz lagundu beharreko ekintza hasi gabe egon beharko da 2023ko urtarrilaren 1ean.

Ordainketak egiteko eskatzen den dokumentazioa 2023ko abenduaren 1erako aurkeztu behar da, beranduenez.

Bosgarrena. Dirulaguntza eskaerak egoitza elektronikoan (<https://e-s.araba.eus>) dagoen berriazko izapidearen bidez aurkeztu behar dira. Horretarako epea hilabetekoa izango da, deialdi hau ALHAOn argitaratu eta hurrengo egunetik aurrera. Egoitza Elektronikora sartzeko bideak zeintzuk diren eta entitate ziurtatzaile batek jaulkitako ziurtagiri elektronikoa non eskatu behar den jakiteko, jo "ezagutu egoitza – nola sartu" izeneko atalera. Arabako Foru Aldundiaren webgune instituzionalean <https://web.araba.eus/es/-/solicitar-ayudas-sostenibiliad-energetica>; eskuragarri dagoen informazioan, eskaera ongi aurkezteko jarraitu beharreko argibideak zehazten dira.

Seigarrena. Froga-agiriak egoitza elektronikoaren bidez aurkeztu beharko dira. Kasu horretan, zehaztutako agiriez gainera, erantzukizunpeko adierazpen bat aurkeztu beharko da, Arabako Foru Aldundiaren erakunde webean (<https://web.araba.eus/es/-/solicitar-ayudas-sostenibiliad-energetica>) dagoen eredia erabilia, espedienteari eransten zaizkion fitxategiak jatorrizkoen irudi zehatza direla, erakunde eskatzaileak dauzkala eta eskatzen zaizkionean Arabako Foru Aldundiaren eskura jarriko dituela adieraziz.

Zazpigarrena. Prozedura izapidetzeko organo eskuduna Ingurumen eta Hirigintzako Idazkaritza Teknikoko Zerbitzua izango da, eta ebazteko eskumena Foru Gobernu Kontseiluak izango du.

Zortzigarrena. Eskaerak ebazteko epealdia gehienez ere bi hilabetekoa izango da, eskaerak aurkezteko epea amaitzen denetik aurrera. Interesdunei ebazpena posta elektronikoz bidaliko zaie, ebazpena eman ondorengo hamar egun baldiodunetan. Esanbidezko ebazpenik ez emateak dirulaguntza ez dela eman esan nahiko du. Ebazpen horrek eta oinarriak betearazteko ematen direnek administrazio bidea amaituko dute.

Bederatzigarrena. Ahalmena ematea Ingurumen eta Hirigintza Saileko foru diputatuari espediente honek eskatzen dituen eta Foru Gobernu Kontseiluari dagozkion administrazio egintzak eman ditzan, legez ezarritako salbuespenetan izan ezik, eta Aurrekontua Gauzatzeko Foru Arauan gastua baimendu eta antolatzeke ezartzen diren eskumenari eta mugari kalterik egin gabe.

Hamargarrena. Erabaki hau ALHAOn argitaratuko da, eta argitaratu eta hurrengo egunetik aurrera izango ditu ondorioak.

Hamaikagarrena. Ebazpen honek amaiera emango dio administrazio bideari, eta haren aurka egin ahal izango da Gasteizko administrazioarekiko auzien epaitegietan, bi hilabeteko epean, ebazpena jakinarazi eta hurrengo egunetik aurrera, Administrazioarekiko Auzien Jurisdikzioa arautzen duen uztailaren 13ko 29/1998 Legearen 44. eta 46. artikuluetan ezarritakoarekin bat etorritz.

Vitoria-Gasteiz, 2023ko otsailaren 14a

Diputatu nagusia

RAMIRO GONZÁLEZ VICENTE

Ingurumen eta Hirigintza Saileko foru diputatua

JOSEAN GALERA CARRILLO

Ingurumen eta Hirigintza zuzendaria

NATIVIDAD LÓPEZ DE MUNAIN ALZOLA